



08 OCT, 2020

## Peniaga, pelanggan diminta patuh SOP

Harian Ekspres (KK), Malaysia

Page 1 of 2

## Peniaga, pelanggan diminta patuh SOP

**Ahmad Apong**

BEAUFORT: Peniaga dan pelanggan di daerah ini diwajibkan mematuhi prosedur operasi standard (SOP) bagi membendung penularan pandemik itu di daerah ini.

Pegawai Eksekutif Majlis Daerah Beaufort, Fawzi Abd Kadir, berkata Majlis Daerah telah mengeluarkan surat makluman berdasarkan arahan Majlis Keselamatan Negara.

Antara arahan yang mesti dipatuhi ialah operasi restoran, gerai makan, kedai runcit, kedai serbaneka dan semua premis perniagaan hanya dibenarkan dari jam 6 pagi hingga 8 malam.

Pasar umum harian, pasar tani dan tamu dibenar beroperasi dari jam 6 pagi sehingga 2 petang manakala pasar malam hanya boleh dibuka dari jam 5 petang hingga 8 malam sahaja.

"Begitu juga dengan stesen minyak dan kedai farmasi yang hanya dibenarkan

beroperasi dari jam 8 pagi hingga 8 malam manakala perkhidmatan teksi dan e-hailing serta perkhidmatan menghantar makanan boleh beroperasi dari jam 6 pagi hingga 8 malam," katanya.

Beliau juga memberitahu perkhidmatan bas luar daerah tidak dibenarkan.

Perkhidmatan bas dalam daerah pula hanya dibenarkan membawa separuh kapasiti penumpang.

Taman-taman awam, pusat rekreasi dan padang permainan dibenarkan dibuka tetapi pengunjung perlu memakai pelitup muka dan menjaga jarak fizikal.

Sebarang perhimpunan tidak dibenarkan kecuali dengan kebenaran Jawatan Kuasa Pengurusan Bencana Covid-19 negeri Sabah

Bagaimanapun, kata Fawzi, mereka yang ingin mendapatkan perkhidmatan di hospital dan klinik adalah dibenarkan sepanjang masa.



08 OCT, 2020

## Peniaga, pelanggan diminta patuh SOP

---

Harian Ekspres (KK), Malaysia

Page 2 of 2

### SUMMARIES

Ahmad Apong BEAUFORT: Peniaga dan pelanggan di Beaufort ini diwajibkan mematuhi prosedur operasi standard (SOP) bagi membendung penularan pandemik itu cili daerah ini. Pegawai Eksekutif Majlis Daerah Beaufort, Fawzi Abd Kadir, berkata Majlis Daerah telah mengeluarkan surat makluman berdasarkan arahan Majlis Keselamatan Negara. Antara arahan yang mesti dipatuhi ialah operasi restoran, gerai makan, kedai runcit, kedai serbaneka dan semua premis perniagaan hanya dibenarkan dari jam 6 pagi hingga 8 malam.